



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

GRADSKO VIJEĆE

*Komisija za izbor i imenovanja*

Broj: 04-GV-04-1424-4/22  
Sarajevo, 26.09.2022. godine

Komisija za izbor i imenovanja Gradskog vijeća Grada Sarajeva, na 32. sjednici održanoj 26.09.2022. godine, u funkciji pripreme 19. sjednice Gradskog vijeća Grada Sarajeva, razmatrala je:

1. Prijedlog Odluke o uslovima i načinu dodjele "Šestoaprilske nagrade Grada Sarajeva"

i podnosi Gradskom vijeću Grada Sarajeva sljedeći:

## IZVJEŠTAJ

### TAČKA 2.

*Prijedlog Odluke o uslovima i načinu dodjele "Šestoaprilske nagrade Grada Sarajeva"*

U skladu sa članom 124. stav (2) i (3) Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), Komisija za izbor i imenovanja Gradskog vijeća Grada Sarajeva na Prijedlog Odluke o uslovima i načinu dodjele „Šestoaprilske nagrade Grada Sarajeva“, podnosi

## AMANDMAN I

U Prijedlogu Odluke o uslovima i načinu dodjele „Šestoaprilske nagrade Grada Sarajeva“, u členu **5. dodaje se novi stav (2) koji glasi:**

„Neovisno o ispunjavanju kriterija za dodjelu Nagrade iz prethodnog stava ovog člana, prilikom razmatranja kandidature, vodit će se računa da kandidat za dodjelu Nagrade posjeduje društveni ugled i visoke moralne vrijednosti“.

### Obrazloženje:

Kriterij iz predloženog amandmana će se cijeliti u odnosu na sve kategorije dobitnika Nagrade i neovisno od ispunjavanja kriterija iz prethodnog stava člana 5. predložene Odluke. Posebno se naglašava da je kod ugleda akcent stavljen na društveni ugled kandidata.

Adresa: Hamdije Kreševljakovića 3  
71000 Sarajevo, BiH  
Tel: +387 33 216 659  
Fax: +387 33 205 874  
Email: gsgv@sarajevo.ba  
Web: gradskovijece.sarajevo.ba



## AMANDMAN II

U Prijedlogu Odluke o uslovima i načinu dodjele „Šestoapriilske nagrade Grada Sarajeva“, **član 7. mijenja se i glasi:**

”

(1) Nagrada se dodjeljuje:

a) pojedincu;

b) kolektivu (grupi okupljenih pojedinaca na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada ako se njihova ostvarenja, odnosno rezultati rada odnose na doprinos Sarajevu, privatnom ili javnom privrednom društvu, ustanovi, udruženju i drugom pravnom subjektu s područja Grada Sarajeva, kao i onom van područja Grada Sarajeva, ako se njihova ostvarenja, odnosno rezultati rada odnose na doprinos gradu Sarajevu).

(2) Pojedinaac kojem se dodjeljuje Nagrada mora biti državljanin Bosne i Hercegovine, dok kolektiv mora djelovati ili biti registrovani za obavljanje svoje djelatosti na teritoriji Bosne i Hercegovine.“

### **Obrazloženje:**

Komisija za izbor i imenovanja Gradskog vijeća Grada predlaže reduciranje kategorija za koje se Nagrada dodjeljuje, i to tako da se ovom amandmanskom intervencijom Nagrada može dodijeliti samo pojedincu, kao fizičkom licu, i kolektivu pri čemu se termin kolektiv odnosi na grupe okupljenih pojedinaca i pravna lica.

- Također, u stavu 2. se predlaže da pojedinac, koji je fizičko lice mora imati bh. državljanstvo, dok je za kolektiv (grupa i pravno lice) uslov da djeluje ili je registrovan za obavljanje svoje djelatosti na teritoriji Bosne i Hercegovine.

## AMANDMAN III

U Prijedlogu Odluke o uslovima i načinu dodjele „Šestoapriilske nagrade Grada Sarajeva“, u **članu 8. stav 1, iza riječi „organima uprave svih nivoa vlasti u Bosni i Hercegovini,“**, dodaje se tekst: „političkim strankama/partijama, domaćim i međunarodnim političkim organizacijama i fondacijama“, dok ostali dio teksta člana 8. stav 1. ostaje neizmjenjen.

### **Obrazloženje:**

Predlaže se da u izuzetke spadaju, uz kategorije političkih stranaka/partija, i domaće i međunarodne političke organizacije i fondacije koje su eventualno registrovane ili djeluju na području BiH, uz ostale već navedene, izuzetke koji sugeriraju poziciju vlasti i politiku.

#### AMANDMAN IV

U Prijedlogu Odluke o uslovima i načinu dodjele „Šestoaprilske nagrade Grada Sarajeva, **član 11. mijenja i sada glasi:**

”

- (1) U jednoj godini mogu se dodijeliti najviše dvije Nagrade, bez obzira na oblast i bez obzira da li se radi o pojedinačnoj ili kolektivnoj Nagradi.
- (2) Nagrada se istom licu, bez obzira na kategoriju dobitika Nagrade, može dodijeliti samo jedanput“.

**Obrazloženje:**

Obzirom da je Komisija za izbor i imenovanja Gradskog vijeća Grada Sarajeva u Amandmanu II, predložila dvije kategorije dobitnika Nagrade, bilo je nužno uložiti amandman i na član 11. predložene Odluke i to tako da se naglasi da se u jednoj kalendarskoj godini, dodjeljuju najviše dvije Nagrade, bez obzira na oblast i bez obzira da li se radi o pojedinačnoj ili kolektivnoj Nagradi.

*PREDSJEDAVAJUĆI KOMISIJE*

*Nihad Uk, s.r.*